

**FRACCION DI MEP A MANDA
PREGUNTA RIBA POSIBEL PRESION
POLITICO DEN EVALUACION FISCAL DI
CANDIDATO PA MINISTER
SR. MIKE DE MEZA**



WWW.SOLODIPUEBLO.COM



SOLODIPUEBLO@GMAIL.COM

DI DOS MORTO DEN TRAFICO PA AÑA 2025



ATRACO TEAM TA HACI DETENCION DEN CASO DI ATRACO RIBA TURISTA



MIKE EMAN TA CLABA MIKE DE MEZA UN SPADA DEN LOMBA NA MANERA FINI Y TACTICO

Parlamentario Endy Croes a tuma nota cu e proceso di Mike de Meza pa e bira Minister no tin fin di yega un final.

Formadornan (awe Minister pa dos luna caba) Mike Eman y Gerlien Croes ningun di dos kier duna cara realmente y ta permiti nan campañadornan abusa cu palabra riba plataformanan digital di Departamento DIMP na un manera no decente y sigur cual nos ta desapropa totalmente.



2 AÑA DI PRISON EXIGI PA BESARIL Y 1 AÑA DI PRISON PA LING PA MALVERSACION NA ARUBA HUIS

SINTONISA

24 MEI

Interes di Pueblo

DIASABRA

95 fm

Invitadonan

Partido MEP

PARLAMENTARIONAN EVELYN WEVER-CROES Y ENDY CROES LO TA DEN E PROGRAMA RADIAL “INTERES DI PUEBLO” DIASABRA AWOR

SINTONISA

24 MEI

Interes di Pueblo

DIASABRA AWOR

95 fm

Invitadonan

EVELYN WEVER-CROES hunto cu **ENDY CROES**

di 11'or di mainta pa 1'or di merdia



- Tur diasabra di 11or mainta pa 1or di merdia Joe Koolman ta hasi entrevista riba temanan actual via radio Top FM. Diasabra awor, 24 di Mei lo tin como invitado parlamentarionan Evelyn Wever-Croes y Endy Croes.

Durante e mainta aki, nan lo elabora riba e siguiente temanan;

- Gobernacion incompleto, despues di casi 6 luna ainda Aruba no tin un Gobierno completo
- No ta contesta pregunta di parlamentarionan
- No ta asisti na reunionnan
- No ta tuma decision manera un Gobierno responsabel mester tuma
- Oposicion hopi fuerte

Partido Movimiento Electoral di Pueblo MEP ta invita comunidad completo pa sintonisa e programa INTERES di PUEBLO diasabra awor 24 di Mei pa 11or di mainta pa 1or di merdia via radio Top FM 95.1

CUERPO POLICIAL ARUBA TA ASISTI CUERPO DI SINT MAARTEN DURANTE SOUL BEACH FESTIVAL 2025



Diahuebs mainta 7 agente policial a biaha pa Sint Maarten. Esaki ta enconexion cu e evento di Soul Beach. Altocomisario interino sra. Irma Gordon tabata presente na General Aviation, na unda e la hiba palabra y a desea nos agentenan policial exito pa cu nan tarea di yuda y sostene Cuerpo Policial di Sint Maarten.

Cuerpo Policial Aruba lo asisti y lo ta standby pa yuda Cuerpo policial di

Sint Maarten pa e weekend druk nan dilanti.

E agentenan a yega bon y despues a huramenta dilanti Minister di Husticia di Sint Maarten den presencia di altocomisario di Sint Maarten. Despues a inicia nan trabou hunto Cuerpo di Polis SXM

Semper nos lo keda duna nos colaboracion na nos hermana islanan. Hunto como rumannan nos por mantene e seguridad di e islanan.

Cuerpo Policial ta orguyoso y ta desea nos coleganan tur clase di exito y cuida curpa.

DI DOS MORTO DEN TRAFICO PA AÑA 2025

Diahuebs pa 6:15 di atardi central di polis ta wordo notifica di un accidente na unda un auto a alcansa un peaton na altura di Watergate na De La Sallestraat.

Ta despacha polis di biaha na e sitio di e sucedido como tambe ambulance.

Na yega di polis ta bin topa cu un homber di edad avansa ariba caminda na unda su situacion tabata muestra grave.

Personal di ambulance ta presenta na e sitio na unda a trata e victima y stabilise. Cu maximo urgencia ela wordo transporta pa hospital.

Specialista di trafico ta presenta na e sitio pa haci na investigacion.

Departamento di slachtofferhulp a wordo poni na altura asina por asisti e famia na nan yegada na hospital.

Lamentablemente un rato pasa pa 10:22 di anochi dokter ta constata morto di Eliseo Berrospi Upayacu naci na Peru 14 juni 1939 (tabata tin 85 aña di edad).

Esaki ta bira e di dos morto den trafico pa aña 2025.

Cuerpo Policial ta manda palabra di condolencia na famia die fayecido.



ATRACO TEAM TA HACI DETENCION DEN CASO DI ATRACO RIBA TURISTA

Recientemente Atraco Team a haci un detencion enconexion cu un atraco riba un turista den area di hotel.

Ta asina cu riba 21 maart 2025 dos turista saliendo for di un club nocturno den area di hotzone ta subi den un taxi pirata cu dos persona aden. Nan ta haya un lift pa nan airbnb na Palm Beach. Yegando na nan airbnb e turistanan ta wordo atraca pa e dos sospechosonan. E sospechosonan a uza un tipo di sombechi y a bay

cu nan celular como tambe placa.

Atraco Team a presenta y na unda nan cuminsa cu nan investigacion y recientemente a haci un entrada hudicial na un cas situa na Bislickstraat. A detene un di e sospechosonan cu ta A.F.E. naci na Aruba 18 aña di edad.

E caso ta bao investigacion ainda y no ta descarta cu lo tin mas detencion.

Cuerpo Policial Aruba ta haci un



apelacion si bo sa algo of sa algo yama nos tiplijn di polis cu ta 11141. Bo ta keda anonimo. Tur

tips ta balioso pa nos pa asna a yuda nos resolve e casonan mas lihe .

ATRACO TEAM: ENTRADA HUDICIAL Y UN DETENCION NA MADIKI

Diabierna den oranan di madrugada pa mas o menos 04:00 am, Atraco Team hunto cu Team di Aresto a haci un entrada hudicial na un cas den Madiki. E detencion ta relaciona cu un caso cu a pasa di un atraco dia 7 mei 2025 na altura di un cas na Palm Beach.

Ta asina cu victima di e atraco a pone un cadena di oro pa bende riba media social. E sospechoso lo a tuma contacto cu e victima pa asina tope na altura di un cas na Palm Beach. Na e sitio menciona e sospechoso a saca un arma di

candela y a bay cu e cadena di oro. E victima a bati alarma na Central di Polis pero na yegada di e patruya e sospechoso a bandona e sitio.

Atraco team a wordo poni na altura y mesora a cuminsa cu un investigacion riguroso, na unda awe durante oranan di madrugada a haci un entrada hudicial na un cas na Madiki y a detene e sospechoso E.E.N.A. naci na Aruba di 18 aña di edad. E investigacion ta andando ainda y no ta descarta cu lo tin mas detencion durante e dianan nos dilanti.

Cuerpo Policial ta haci un apelacion na e comunidad di Aruba pa paga tino y sea mas cauteloso ora ta bende articulonan riba rednan social. Corda si ta haci cita pa topa e cumprado pa hacie na lugarnan publico y no camindanan bandona, scur etc.

Tambe KPA ta haci un apelacion si bo sa algo of sa algo yama nos tiplijn di polis cu ta 11141. Bo ta keda anonimo. Tur tips ta balioso pa nos pa asi a yuda nos resolve e casonan mas lihe .



2 AÑA DI PRISON EXIGI PA BESARIL Y 1 AÑA DI PRISON PA LING PA MALVERSACION NA ARUBA HUIS

ORANJESTAD – Awe mainta Wilfred Besaril y Glen Ling a presenta den Corte di Husticia acompaña pa nan abogado pa scucha e exigencia di Fiscal den e caso di malversacion di placanan na Aruba Huis.

SOLO DI PUEBLO por a compronde cu Fiscal ta haya Besaril y Ling culpabel di malversacion di placanan di Aruba Huis y mal uso di nan funcion. El a exige 2 aña di prison pa Besaril y 1 aña di prison pa Ling.

MALVERSACION DI PLACANAN DI ARUBA HUIS

Fiscal a bisa cu entre 2017 y 2021, e malversacionnan a sosode na Aruba Huis na Hulanda, caminda Besaril, como Minister Plenipotenciario, a usa placanan di Aruba Huis pa haci cosnan priva pa su mes. Fiscal ta haya cu Besaril no a sigui reglanan di procedura, caminda mester pidi aprobacion promer. Fiscal ta haya cu Besaril a usa carchi di credito di Aruba Huis pa bay come y haci otro cosnan. Na opinion di Fiscal, Ling tambe a aproba tur esaki door di firma tur e facturanan di cobranza di Besaril.

Fiscal a muestra cu na 2019 a cuminsa un investigacion, despues cu Paris a manda carta mustrandó cosnan cu ta pasando y Minister Presidente a haci denuncia. Central Accountant Dienst (CAD), a haci investigacion y a traha un raport. Landsrecherche a cuminsa cu investigacion cu a conclui cu tabatin malversacion di placanan di Aruba Huis. Fiscal a bisa cu e aprobacion di Ling ta wordo considera como complice di malversacion. CAD ta haya cu Besaril y Ling no a usa e placanan di Aruba Huis corecto.

** Fiscal a muestra cu e facturanan di Setar cu ta relaciona cu uso di telefoon di Besaril na Aruba. Na cas di Besaril su tata y na cas di Besaril a instala telefoon y internet. Fiscal a

señala cu tin gastonan na cas di tata di Besaril siendo cu Besaril tabata na Hulanda. CAD ta haya cu no tabatin spaarmento di gastonan. A paga mas cu 14 mil florin na Setar siendo cu Parlamento no ta di acuerdo. Fiscal a bisa cu tin personal di Aruba Huis no tabata di acuerdo cu e cobranza, pero riba orden di Ling, cu a aproba e cobranzanan, a paga.

** Fiscal a muestra cu 50 mil Euro a gasta na drecha e cas cu Besaril a scoge pa biba aden. E ta considera esaki malversacion. El a muestra cu dos aña despues di tabata na e cas, Besaril kier pa haci reparacionnan. Na opinion di Fiscal, sin cu a pidi autorizacion pa haci esaki, e facturanan a wordo firma pa Besaril y Ling. Tambe 21 mil Euro a gasta pa drecha e jardin. Fiscal a muestra cu CAD ta haya cu e gastonan ta mas bien priva. El a bisa cu di parti di Gobierno a reclama cu no tin descripcion di e trabao y Ling como director a constata gastonan exagera pero no a informa Minister Presidente.

** Fiscal a muestra cu na 2018, Besaril a haci 6 mil Euro di gasto na mueblenan pa e cas. Esaki no ta wordo considera como gastonan pa e cas sino gastonan pa probecho personal. Fiscal a sigui bisa cu Besaril no a haya aprobacion di Consejo di Minister pa a haci e gastonan aki. Na dado momento Besaril a dicidi cu mester instala sistema di alarma. CAD a constata cu no a busca ofertanan sino a deal cu un compania. No a sigui e procedura cu mester a sigui y Consejo di Minister no a proba esaki. Tambe Fiscal a cuestiona e hecho cu tin gastonan pa haci cas limpi cual no mester cay riba gasto di Gobierno. Ademas di no a pidi aprobacion di Consejo di Minister pa esaki, Besaril a manda facturanan pa paga. Fiscal a cuestiona cu Ling su forma di control ta laga di desea. E ta haya cu si Ling no por a haci e trabao, e mester a baha y laga otro haci e trabao aki.

** Fiscal a muestra riba gastonan di 20 mil florin pa trabao di relacionnan publico cu Besaril a paga un compania, siendo cu Gobierno tin su mesun hendenan. CAD ta considera esaki como algo priva. Tur e facturanan a wordo paga. Segun facturanan, ta trabao haci durante viaha di trabao di Besaril.

** Fiscal a muestra cu Departamento di Finanzas ta haya cu Besaril tabata haci gastonan priva cu no tin nada di haci cu su trabao como Minister Plenipotenciario. Fiscal a menciona estadia di Besaril na Aruba caminda a haci uso di VIP y tambe gastonan di huur di auto. E tabata haci uso di e carchi di credito di Aruba Huis. CAD ta considera esaki gastonan priva y no gastonan relaciona cu su funcion. Segun Fiscal, Besaril no a responsabilisa su mes pa e gastonan haci.

Fiscal ta haya cu Besaril y Ling a mal usa nan funcion. Ling ta complice di malversacion pasivo o sea, e no ta haci'e intencional sino djis firma facturanan. Besaril si a haci malversacion intencional.

FISCAL A EXIGI CASTIGO DI PRISON

Fiscal ta haya cu Besaril y Ling ta complice di malversacion. El a exige 2 aña di prison pa Besaril. Fiscal a exige 1 aña di prison pa Ling, di cual 6 luna ta condicional cu un tempo di prueba di 3 aña.

BESARIL MESTER PAGA CASI 220 MIL FLORIN

Fiscal ta haya Besaril mester paga bek 199.482 florin na Gobierno, di tur e placanan cu el a malversa. Si no paga esaki, Besaril mester bay 3 aña sera den prison.

Hues, despues di a scucha e defensa di abogadonan y cu Besaril y Ling a expresa nan mes, a bisa cu dia 13 Juni 2025 pa 1.30 di merdia, e lo sera tratamiento di e caso y dicta sentencia.

**CAMBIA PERSPECTIVA
TOCANTE OBESIDAD:
SA BO NUMBER Y MIDI
BO PESO**



Parlamentario Endy Croes (MEP):

MIKE EMAN TA CLABA MIKE DE MEZA UN SPADA DEN LOMBA NA MANERA FINI Y TACTICO

Parlamentario Endy Croes a tuma nota cu e proceso di Mike de Meza pa e bira Minister no tin fin di yega un final. Formadornan (awe Minister pa dos luna caba) Mike Eman y Gerlien Croes ningun di dos kier duna cara realmente y ta permiti nan campañadornan abusa cu palabra riba plataforman digital di Departamento DIMP na un manera no decente y sigur cual nos ta desaproba totalmente.

Mike de Meza tabata debe 2 miyon

Desde luna di december despues di eleccion tabata conoci cu Mike de Meza tin problema cu belasting. Sumanan cu tabata core den boca di pueblo ta asombroso entre 2 miyon despues 1 miyon y ultimo a papia di 600 mil. Supuestamente Mike de Meza a bende un compania y e aña specifico ey Mike de Meza tampoco su esposa a entrega nan aangiftenan di belasting. Alabes Mike de Meza tabata tin areglonan bieu cual tampoco el a cumpli cu nan. Asina tanto speculacion pero sigur ta cu Mike de Meza no a logra haya un documento cu ta

prueba su “goed fiscaal gedrag”. Mike Eman na 3 ocasion ta bishita gobernador pa hiba e carta di DIMP pushando Gobernador cu e batata cayente haciendo como si fuera cu ta Gobernador lo mester “call the shot” y asina mantene Mike de Meza y su hendenan bou control. Tur esaki pa crea e smoke screen cu sostenedornan di Mike de Meza pa laganan kere cu Mike Eman ta bringando pa Mike de Meza. Tur prueba ta muestra cu Mike Eman a laga Mike de Meza cay manera patia berde masha dia caba. Bueno, esaki no ta nada sorprendente si. Mike Eman ta haci tur esaki pa complace Gerlien cu a pone pia abou y laga sa cu Mike de Meza no ta bira minister. Mike Eman sa bon cu e tin cu sigui ranca na saya di Gerlien sino NO tin gobierno.

Gerlien Croes no ta pinta un boonchi cu Mike de Meza

Pueblo sa cu Gerlien Croes nunca a pordona Mike de Meza. Mike de Meza na su smaak y dilanti henter pueblo a tuma Gerlien haci den sala di Parlamento, durante un reunion



publico cu full Aruba tawata sigui y esaki a causa cu Gerlien a bandona partido AVP. Gerlien a kere cu e tawata importante pa partido AVP pero nada ta mas importante cu mantene secretonan di Old Boys Network. Dia cu Gerlien a dicidi di sali, Mike de Meza lo a grita Gerlien masha formal den cas di partido y a causa un kiebro total entre nan dos. E kiebro aki ta asina intense cu 8 di Januari 2025 momento Gerlien a bira Presidente di Parlamento, Mike de Meza ta e unico Parlamentario cu NO a vota

pa sostene Gerlien y e votacion a sali 20-0 y NO 21-0. Gerlien Croes sa esaki y ta evidente cu Gerlien Croes y Mike de Meza den un probabel sala di Ministerraad no lo funciona y p'esey tanto Gerlien Croes y Mike Eman ta maltratando Mike de Meza na ordo di dia. Enbes di nan tur dos bisa Mike de Meza e berdad den su cara cu nan no kier su persona pa varios rason y bise cu e NO a pasa screening ambos ta hunga rol di “yo no fui”. Consecuentemente awor Mike de Meza mester bay pasa berguensa den corte. Pa pone e cherry riba e bolo, Mike Eman mes a aproba den un reunion den Ministerraad pa busca un top abogado di Corsou pa acesora Gobierno den un caso contra Mike de Meza. Mi sa cu sostenedornan di AVP y di Mike de Meza no lo bira MEP nunca, pero mi ta spera cu e sostenedornan por habri nan wowo si y compronde e triki di Mike Eman kende a pasa Mike de Meza un spada fini fini y tactico den su lomba cual aparentemente Mike de Meza mes ainda no a compronde of kier compronde. Only time will tell!

COALICION AVP-FUTURO TA RIBA TENSION DESPUES DI SOSTEN DI GEOFFREY WEVER PA SEÑORA GOMEZ


E situacion politico na Aruba a empeora diabierna, despues di un publicacion di Facebook, unda ministro Geoffrey Wever a bisa cu e ta 100% patras di señora Gomez, e inspectora di impuesto relaciona cu caso De Meza.

E declaracion di Wever a crea un gran desacuerdo

den e coalicion, pues Partido AVP no ta di acuerdo cu e accionnan di señora Gómez. E apoyo publico di Wever, miembro di Partido Futuro, a trece na cla, cu no ta unidad den e coalicion.

Actualmente ta berdad cu tin un crisis serio den e coalicion di Aruba, y ta parce cu Partido Futuro i

AVP no ta riba mesun linea di pensamiento. Esaki por tin consecuencia grave pa e estabilidad di gobierno. Minister Geoffrey ta bay publico pa duna sosten na Inspector di Impuesto, mientras Mike de Meza for di parlamento ta dunando sosten na Geoffry y tambe confiansa pe por ta minister.



ACCION DI BARIO TA BEK! PROME MINISTER MIKE EMAN TA DUNA IMPULSO NA MEHORACION DEN BARIO

Diahuebs mainta, Prome Minister mr. Mike Eman, acompaña pa un ekipo yen entusiasmo di Bureau City Inspector, Polis di Bario, Serlimar, DOW, GKMB y Departamento di Asunto Social (DAS), a drenta Semeleerstraat na Noord pa oficialmente duna inicio na e programa di “Accion di Bario”, un proyecto cu ta re-establece e contacto entre Gobierno y comunidad.

Accion di Bario a nace durante e prome periodo di gobierno di Mike Eman como un strategia integral pa ataca varios problema na nan raiz den nos barionan: di acumulacion di desperdicio, yerbaymata cu a crece for di control, te preocupacion social y situacion di abandono.

Lamentablemente durante e gobierno anterior, a stop e programa aki y e consecuencia ta visibel. Awe, bao direccion di Gabinete AVP-Futuro, a cuminsa cu e iniciativa aki bek pa revitalisa nos barionan.

Durante Accion di Bario, Prome Minister Eman mes a subi caya, dialoga cu habitantenan y a haci un yamada pa participacion civico. Un bario limpi, sigur y saludable ta un derecho di tur ciudadano, pero tambe un deber colectivo.

Den Semeleerstraat, e ekipo a topa un situacion alarmante: un acumulacion masivo di sushi grandi, artefactonan manera sofa, frigidair y wasmachine, y otro susedad cu ta crea un riesgo pa salud publico.

Segun habitantenan, e ceramento di dump na Parkietenbos y e aumento drastico den prijs di baki di sushi ta pone un peso grandi riba e famianan di entrada limita. Sin alternativa, ta acumula desperdicio den curanan, creando “mini-dumpnan di bario”.

Di dialuna caba, e ekipo di limpieza a cuminsa cu e trabao cu hopi dedicacion. Diahuebs so, a yena 5 baki grandi di sushi, sin conta e cantidad di pick-upnan di e ploegnan di limpieza cu tabata bay y bolbe yena completo pa EcoTech. Pa diabierna, ta planea di yena 3 baki grandi mas, pa finalisa e operativo den e area.

E ambiente den Semeleerstraat awe tabata yena cu alivio, gratitud y



speransa. Habitantenan ta sinti cu finalmente Gobierno ta drenta den e bario y tuma accion concreto pa mehora e calidad di bida di cada ciudadano. Limpieza y mantencion den bario, ta un responsabilidad colectivo.

GOBIERNO A FIRMA MOU CU FCCA PA REVITALISACION DI BARIO

Diahuebs mainta, Prome Minister mr. Mike Eman, hunto cu sra. Julie Wever, Director Tecnico y Comercial y sr. Giovani Anthony, Director General y Financiero di Fundacion Cas pa Comunidad Arubano, a firma un MOU na MFA Noord. Cu e MOU aki, FCCA ta compromete cu Gobierno di Aruba, pa hunto percura pa e habitantenan den e casnan di pueblo, tin un luga digno, limpi y bon manteni.

Segun Julie Wever di FCCA, “e MOU aki ta e prome stap pa cera e lasonan cu Gobierno pa

yuda drecha e barionan. E ta un meta cu nos a cuminsa ya caba ta traha riba dje pa drecha tur nos barionan. E strategia ta pa bay bek den e barionan cu ya ta existi y drecha esakinan, pone amenidadnan cu un hende mester pa por biba cu calidad den e barionan”. Sra. Wever kier a gradici gobierno pa kere den e strategia di FCCA pa drecha e barionan y pa tin e compromiso pa duna FCCA e sosten aki, paso sin Gobierno FCCA no ta logra su metanan.

Segun Prome Minister

Mike Eman, “durante nos gobierno anterior, nos a renoba cierto barionan cu bo a mira un diferencia grandi manera Yuwana Morto, Yara y Pos Chikito complex cu tabata un ehempel, y e mesun concepto ey di renoba e barionan, duna e hendenan un miho calidad di bida, ta locual ta enfocando den e MUO aki”.

E mantencion y limpieza di e barionan aki ta di sumo importancia y cu e MOU, Gobierno ta bira un partner strategico. Pa e plan no keda solamente



riba papel, despues di a firma e MOU, Prome Minister a duna inicio na e prome Accion di Bario den Semeleerstraat na Noord. Gabinete AVP-Futuro ta firme den su compromiso pa sigui traha pa un Aruba caminda tur ciudadano

ta wordo scucha y nan bienestar ta prioridad di gobierno. Hunto lo sigui traha pa oportunidadnan igual, bario sigur y desaroyo sostenibel, y percura pa tur hende tin un futuro digno pa nan mes y nan famia.

Parlamentario Evelyn Wever-Croes

ARUBA MERECE UN GOBIERNO RESPONSABEL Y CAPAS PA TUMA DECISION DEN TEMPO BON Y TEMPO MALO

Awe ta casi 6 luna despues cu Aruba a bay urna electoral y ainda no tin un gobierno completo. Na e momento aki no tin liderasgo y ningun hende ta cargando nan responsabilidad. Pa loke ta trata e asunto di screening, Prome Minister Eman a dicidi di tira esaki den scochi di un hues, y e di dos líder di e pais aki Minister Gerlien Croes a laba man manera poncio pilato. E di tres líder c uta Minister Geoffrey Wever embes di para pa su ministerio, ta draai manera draaitol y tampoco ta asumi su responsabilidad.

Parlamentario Evelyn Wever-Croes a expresa cu si señor Mike

de Meza ta sinti su mes como un victima ta di comprende, paso e realidad ta cu e ta un victima di su lider cu no ta suppose di haci e tipo di cosnan aki cu su candidatonan cu semper a para pa e partido berde. Tampoco no ta husto cu Prome Minister Eman ta secuestra pais Aruba cu un gobierno cu no ta completo.

“Aruba a custuma 8 año largo cu un liderasgo firme y fuerte. Gabinete Wever-Croes semper a para pa pais Aruba y e comunidad en general, den bon tempo y mal tempo. Semper e gobierno anterior lidera bou di mi persona a sa di tey tur dia, di duna guia y informacion,



y a sa di tuma decision y gobierna manera un lider di berdad mester cu haci. E gobierno aki pa un cos chikito manera “screening” no kier tuma decision, ta kico por

spera den caso cu bin cosnan hopi mas grandi. Aruba merece miho” Parlamentario Wever-Croes a expresa.

FRACCION DI MEP A MANDA PREGUNTA RIBA POSIBEL PRESION POLITICO DEN EVALUACION FISCAL DI CANDIDATO PA MINISTER SR. MIKE DE MEZA

Fraccion di MEP a presenta preguntanan na Minister di Finansa tocante e manera con a maneha e evaluacion fiscal di e candidato pa bira minister sr. Mike de Meza. E motibo pa e preguntanan aki ta e señalnan preocupante di presion politico y di media cu supuestamente a wordo eherce riba Departamento di Impuesto y otro instancianan.

Segun e informacion cu e fraccion tin, e candidato no ta cumpli aparentemente cu tur rekisito pa por bira minister. Entre otro Departamento di Impuesto (DIMP) lo a duna un opinion negativo tocante su comportacion

fiscal. Loke a resalta ta cu e candidato – hunto cu dos miembro di prensa – a eherce un presion grandi riba DIMP y Gobierno. Segun algun fuente, e tactica uza ta parce di ta intimidante y ta yega cerca di practica mafioso.

Ni Minister President ni Minister di Finansa no a tuma accion pa stop e situacion. DIMP a tuma e paso pa contrata un abogado externo, pero e abogado ey a retira su mes despues di solamente dos dia. Ta kere cu e desicion aki tin di haber cu presion indebido den e caso aki.

“Si esaki ta berdad, nos ta drenta



un tereno peligroso, caminda integridad di nos institucion ta wordo comprometi. Departamento di Impuesto mester por traha sin ningun tipo di presion politico

of personal. No ta aceptabel si funcionarionan di gobierno ta wordo intimidada of experto externo ta sinti obliga pa retira. Nos mester para firme pa proteha nos estado di derecho.”

Den e preguntanan, e Fraccion kier sa si e minister a tuma contacto cu DIMP tocante e caso, si el a tuma contacto cu e abogado, y ki medida e ta tuma pa salvaguardia e integridad di Departamento di Impuesto.

E minister tin 2 siman pa duna respuesta por escrito riba e preguntanan aki.

MINISTER PRESIDENT EMAN Y MINISTER WEVER Y MERCA TA FIRMA MOU PA ESTABLECE UN DIPLOMATIC POST OFFICE NA ARUBA



Diamars 20 di mei 2025, a tuma lugha un encuentro importante entre Gobierno di Aruba y Gobierno di Estados Unidos. Durante e reunion, a firma un Memorandum of Understanding (MoU) pa fortalece e lasonan di cooperacion entre Aruba y Merca, especificamente pa establece un Diplomatic Post Office na Aruba

pa agentenan Federal Americano den e facilidadnan di Customs and Border Protection (CBP). Prome Minister mr. Mike Eman y Minister di Finansa, Asuntonan Economico y Sector Primario mr. Geoffrey Wever a firma e MoU hunto cu Ramón Negrón, Charge D’Affaires na



Consulado General di Merca na Corsou.

E MoU aki ta e resultado di un periodo largo di cooperacion, consulta y negociacion entre Aruba y Merca. E esfuerzo colectivo di e instancianan di Gobierno manera Departamento di Relacionnan Exterior, Departamento di Aduana, Inspectie Volksgezondheid Aruba hunto cu Consulado General di Merca, a conclui den e firmamento oficial di e MoU. Sr. Ricky Croes, Director di Aduana di Aruba, a indica cu di nan banda a duna tur cooperacion na CBP pa facilita e proceso di e Diplomatic Post Office aki na Aruba locual ta fortalece e lasonan cu nan coleganan Mericano.

Ramón Negrón, Charge d’Affaires na Consulado General di Merca na Corsou a splica cu e Diplomatic Post Office ta sirbi e personal Mericano staciona pafu di Merca, y ta evita gastonan postal adicional pa e personal

federal na Aruba. Nan por ordo via por ehempel Amazon sin cu esaki ta costa nan extra, compara cu si nan tabata na Merca. Ademas nan por ricibi nan medicamentonan for di Merca sin problema.

Aruba su situacion ta unico mirando cu nos tin operacionnan di CBP sin consulado Mericano riba su territorio. E Diplomatic Post Office lo yuda mehora eficiencia di servicionan postal pa oficialnan federal di CBP y ta fortalece e sinergia cu un di nos partnernan strategico mas importante.


Prome Minister mr. Mike Eman a indica cu “poco Pais den mundo tin un CBP, y si wak den Caribe mes, ta un of dos tin, y esey kiermen cu Merca a haci un excepcion pa Aruba. CBP na Aruba ta un proyecto di Prome Minister Henny Eman d.f.m., cu a trece CBP Aruba y a desaroya esaki den un di e pilarnan importante den nos turismo. Esaki ta refleha e relacion special cu tin pa

hopi aña cu Merca y esey ta algo cu mester cultiva y traha riba dje”.

CPB ta importante pa turismo di Aruba cu ta depende pa gran parti di Merca, sea ta pa su turista of productonan cu ta importa. “Mantene un bon relacion cu Gobierno Mericano ta importante pa estabilidad di e economia di Aruba”, Minister Geoffrey Wever a indica. Segun Minister Wever, “e firmamento di e MoU pa e Diplomatic Post Office, ta cumpli cu peticion di Gobierno Mericano pa facilita e posicion di e personal di CBP cu ta traha na Aeropuerto den Pre-Clearance. Merca ta un partner solido di Aruba.

Segun Prome Minister Eman, “E firmamento di e MoU aki ta enfatisa e cooperacion entre Aruba y Merca y ta spera cu dentro di corto por firma tambe e extension di e acuerdo di CBP pa por tin e servicio importante aki pa hopi aña mas na Aruba”.

SEGUNDO PEATON MASCULINO ALCANSA PA AUTO E SIMAN AKI



De La Sallestraat - polis a bay tegenover di Diahuebs atardi algo Watergate, pa un homber promde cu 6'or y mey di edad a wordo alcanza pa

un auto.
Polis y ambulance cu ta yega eynan a bin topa cu e cabayero di edad ariba caminda y tawata sangra.

Chauffeur di e Kia Rio su version tawata cu e lo no a mira e peaton subi caminda. E impacto tawata uno fuerte, y esaki por a wordo mira na e windshield parti drechi, unda cu probablemente cabes di e cabayero a dal.

Famia di e meneer a yega y mas cu claro tawata emociona di mira nan seri keru herida.

Paramediconan a prepara e cabayero y den e posicion cu nan a hay'e, asina ey nan a lante y hibe Hospitaal cu golpi fuerte na cabes.



Esaki ta e segundo hende tawata diamars anochi homber cu auto ta dal e altura di Cayena Mall na siman aki, esuna prome Caya G.F.BETICO CROES

REUNION ENTRE SCA Y GABINETE DI ARUBA



Den Haag – Na Universidad di Utrecht a tuma lugar un reunion di Studenten Commissie Aruba cu Gabinete di Aruba, representa pa director di Gabinete di Aruba Joselin Croes LL.M/M.Sc.y Jennifer Sneek di departamento di Enseñansa di Gabinete di Aruba.

Esaki ta e prome reunion entre SCA y Gabinete di Aruba desde e instalacion di SCA riba 7 di Februari 2025. Na e ocasion aki e miembronan di SCA a duna un presentacion

riba nan “Beleidsplan Studenten Succes 2025 – 2030. E plan ta concentra riba algun topiconan cu ta hunga bou di studiantenan Arubiano y cu por tin efecto riba nan estudio, manera salud mental, discriminacion, barera di idioma y vivienda.

Despues e reunion a sigi riba otro puntonan manera e posicion legal di SCA, nan presupuesto y actividadnan cu SCA tin planea pa 2025.

Nota pa redaccion: E potretnan ta cortesia di Arubahuis



DIA INTERNACIONAL DI DIVERSIDAD BIOLOGICO



BACKGROUND

Ora diversidad biologico, of biodiversidad, tin un problema, humanidad tin un problema.

Diversidad biologico frecuentemente ta ser comprendi den termino di e variedad amplio di especie vegetal, animal y micro-organismo, pero tambe ta inclui e diferencianan den cada especie mes, por ehempel e variacionan den cultivo y animal di cria, y e variedad di ecosistema (lago, boske, desierto, paisahenan agricola) cu ta alberga multiple tipo di interaccion entre nan especienan presente (humano, mata, animal, micro-organismo).

Recursonan di diversidad biologico ta e pilarnan riba cual nos ta construi civilizacionan. Pisca ta provee 20 porciento di tur proteina animal pa mas o menos 3 bion hende. Mas cu 80 porciento di e dieta di ser humano ta consisti di producto deriva di planta (cultivo). Casi 80 porciento di hende bibando den areanan rural den paisnan den desaroyo ta depende di medicina tradicional deriva di planta y hierba pa nan cuido medico basico.

Pero perdida di biodiversidad ta menasa nos tur, incluso nos salud. A ser comproba cu perdida di biodiversidad por causa un expansion

di zoonoses, malesanan transmiti di animal pa ser humano, mientras cu di otro banda, si nos mantiene biodiversidad intacto, esaki ta ofrece herment excelente pa lucha contra pandemianan manera causa pa coronavirus.

Naciones Uni aproclama 22 di mei como Dia Internacional di Diversidad Biologico pa aumenta e comprension di y concientisacion pa temanan di diversidad biologico.

E TEMA PA 2025: HARMONIA CU NATURALESA Y DESAROYO SOSTENIBEL

Mientras cu e comunidad global ta ser yama pa re-examina nos relacion cu e mundo natural, un cos ta cierto, apesar di tur nos avancen tecnologico nos ta completamente dependiente di ecosistemanan saludabel y vibrante pa nos awa dushi, alimento, medicina, paña pa bisti, combustibel, refugio y energia, pa menciona algun punto.

Esaki ta involvi respeta, proteha y repara, drecha nos rikesanan natural.

Na december 2022 a adopta e Framework Mundial di Biodiversidad (Global Biodiversity Framework) di Kunming-Montreal tambe conoci como e Plan di Biodiversidad, un acuerdo historico cu ta fiha

meta y medida concreto pa para y reverti e perdida di diversidad biologico pa 2050.

E Framework aki ta fiha 23 meta pa 2030 y 5 obhetivo pa 2050 pa para y reverti e perdida di areanan natural den 25 aña. Di e obhetivonan ta menciona restora 20% di ecosistemanan degrada y reduci invasion of introduccion di especie no-nativo invasor cu 50%.

Pa aña 2025 a skohe como tema pa Dia Internacional di Diversidad Biologico "Harmonia cu naturalesa y desaroyo sostenibel", locual ta destaca con e Plan di Biodiversidad ta conecta cu desaroyo sostenibel y e SDGs, esta e Obhetivonan di Desaroyo Sostenibel, mustrand cu pa avanza e dos agenda aki, nan lo tin cu sostene otro.

E Dia Internacional di Diversidad Biologico ta sirbi tambe pa inculca un nocion di urgencia. Nos mester actua awor, ya cu na 2025 ta resta solamente cinco aña pa cumpli cu e SDGs y e metanan pa 2030 di e Global Biodiversity Framework

MENSAHE DI ANTONIO GUTERRES, SECRETARIO GENERAL NACIONAN UNI Biodiversidad ta e base di tur bida y un pilar di desaroyo sostenibel.

Sin embargo humanidad ta destruyendo e biodiversidad cu pasonan gigantesco a consecuencia di contaminacion, e crisis climatico, destruccion di ecosistema y den ultimo instancia interesnan economico a corto plazo cu ta trece un utilizacion insostenibel di e mundo natural.

E perdida di biodiversidad ta un problema mundial. Ningun pais, con rico e por ta, por enfrenta e problema su so. Tampoco ta posibel sigui biba sin e enorme biodiversidad cu tin riba nos planeta.

Si nos kier alcanza un desaroyo sostenibel, nos mester transforma nos

manera di produci, consumi y balora naturalesa y cumpli cu e Global Biodiversity Framework di Kunming-Montreal, e plan mundial pa detene y reverti e perdida di biodiversidad. Mester di maneho, legislacion, y otro incentivo pa apoya maneranan di biba sostenibelmente, y construi economianan berde y fuerte. Pa logra esaki, Gobiernonan mester probecha di progreso haci na e di 16 Conferencia di Partidonan den e Convenio di Diversidad Biologico na Cali, Colombia, na 2024, en particular dor di aporta financiamiento nacional y Internacional y elimina fondo pa actividad cu ta perhudica naturalesa.

Ademas paisnan mester formula strategia y plan di accion nacional pa biodiversidad pa aplica e Global Biodiversity Framework, atende cu desigualdad, promove desaroyo sostenibel, respeta conocimiento tradicional y empodera hende muher, mucha muher y pueblonan indigena, entre otro.

Manera e tema di Dia Internacional di Diversidad Biologico ta indica, "harmonia cu naturalesa y desaroyo sostenibel" ta e caminda cu humanidad tin cu sigui pa construi un mundo mihor pa nos tur.

Ban tuma e paso pa sigui e caminda pa un mundo mihor.

SITUACION DI BIODIVERSIDAD NA ARUBA

Na Aruba actualmente tin un ley general pa conservacion di naturalesa, esta Ordenansa Nacional pa Conservacion di Naturalesa y un tratado principal cu ta e Tratado di Cartagena pa Proteccion y Desaroyo di e Medio Ambiente Marino di e Area Caribe.

Ademas nos tin awor un rapport Aruba 2050: A Nature Inclusive Vision y nos tin e Aruba National Biodiversity Strategy and Action Plan: Harmonizing People and Nature. Aruba's Biodiversity Strategy and Action Plan 2024 – 2030.

Pero te ainda no tin un ley ambiental general, esta Ordenansa Nacional pa Medio Ambiente. E ley aki

di cual no menos cu cuater concepto a ser traha desde 1999, y di cual e di cuater version ta den lachi scondi di Gobierno aparentemente no por pasa, pasobra e lo stroba desaroyo no planea y no sostenibel di nos turismo. E ley aki tambe ta regula estudio di impacto ambiental adecuado, combati contaminacion di awa, tera, laman y aire, polucion, maneho di desperdicio y en combinacion cu zonificacion correcto por preveni destruccion di habitat natural

Construccion di Secrets Resort y e Masterplan Seroe Colorado ta prueba palpabel cu conservacion di biodiversidad no ta na prome lugar ora ta implementa desaroyo sostenibel (di turismo) na Aruba. Destruccion y vandalismo diario cu vehiculo UTV y ATV den paisahenan natural y area proteha ta otro muestra visibel cu Aruba su plan di reconstrui pa mihor despues di e pandemia di COVID-19 ta basa riba mas turista (barata), mas barco cruzero y mas turista cu no ta respeta naturalesa

Organisacionan y activistanan ambiental na Aruba a mustra riba e sobredesaroyo di turismo na Aruba, destruyendo nos naturalesa y medio ambiente, no di awor pero desde 1990!! caba.

Pero na Aruba 30 aña di gobernacion a pasa desde cu e Ordenansa Nacional pa Proteccion di naturaleza a pasa na 1994 y pa un gran parti di nos politiconan turismo semper ta gana y enbes di sirbi di interes general pa proteha nos rikesa natural, ta prefera sirbi e interes priva di desaroyador. Si nos kier cumpli cu e Global Biodiversity Framework y SDGs nos lo mester restora e dialogo nacional prescribi den e documento di Nacionan Uni di e SDGs y involvi tur stakeholders defini dor di Nacionan Uni den participacion den tomo di decision pa desaroyo sostenibel, cuminzando den e asunto di e maneho di turismo. Actualmente ATIA, AHATA y ATA so ta fiha maneho pa desaroyo sostenibel y no kier papia di para expansion di turismo.

ARUBA TA CELEBRA DIA INTERNACIONAL DI BIODIVERSIDAD 2025:

"ta den Harmonia cu Naturalesa y Desaroyo Sostenibel" ta e mensahe

ORANJESTAD - Cu enfoke riba e balans necesario entre nos medio ambiente y nos progreso, Aruba ta prepara pa celebra Dia Internacional di Biodiversidad riba 22 di Mei 2025, cu e tema proponi, "Ta den Harmonia cu Naturalesa y Desaroyo Sostenibel. E aña aki, e campaña ta resalta e conexon vital entre e Agenda 2030 pa Desaroyo Sostenibel di Nacionnan Uni y e Kunming-Montreal Global Biodiversity Framework (KMGBF), dos plan universal asina por alcanza union pa e recien adopta Pacto di Futuro (Pact of the Future). Directie Natuur en Milieu (DNM) ta uni na e compromisonan cu efoke special pa atende cu e temanan di cambio di clima y esfuerso pa restaura-proteha y conserva uzo sostenibel di e medio

ambiente. Pero e pacto di futuro den su totalidad ta pa transformacion global pa renoba e compromiso pa progreso di humanidad. E tema di e aña aki ta sirbi como un yamada cla pa accion pa Aruba. Nos, como un isla chikito, ta sumamente dependiente di nos rikesa natural, for di nos rifnan di coral vibrante, sitionan di balor cultural historico, nos flora y fauna endemico, te cu nos paisahenan diversifica. E biodiversidad unico aki no ta solamente un fuente pa nos disfruta cu nos bista y recrea, sino tambe e fundeshi di nos economia cu ta depende di turismo y tambe ta proteha nos contra e efectonan di cambio climatico. DNM ta reitera cu "Dia Internacional di Biodiversidad ta un momento importante pa nos para keto y refleha riba e balor intrinsico

di nos naturalesa y con esaki ta integra cu nos aspiracionnan pa cu desaroyo sostenibel. E metanan di e Agenda 2030 y e KMGBF no ta simplemente obhetivonan internacional; nan ta guianan concreto cu Aruba por adopta pa sigura un futuro sostenibel y saludabel y mas asina ta mas prospero pa generacionnan cu ta sigui."

Aruba su compromiso cu e metanan aki ta manifesta den esfuersonan continuo pa proteha areanan natural, promove maneho sostenibel di recursonan, y stimula investigacion cientifico pa compronde nos ecosistema mihor. E enfoke riba "Harmonia cu Naturalesa" ta nifica cu nos mester mira

conservacion no como un obstaculo pa desaroyo, sino como e motor cu ta impulsa crecimiento inteligente y resiliente pa sigui.

E Pacto pa Futuro, adopta recientemente, ta encurasha paisnan pa traha hunto y integra esfuersonan pa logra e metanan proponi. Pa Aruba, esaki ta nifica intensifica nos cooperacion nacional, entre departamento y organisacionnan, pero tambe cu partnernan internacional, comparti conocimiento y e miho practicanan, y mobilisa recursonan pa inverti den proyectonan cu ta beneficia tanto nos naturalesa como nos sociedad.

Riba 22 di Mei, busca pa haci un actividad

cu ta den harmonia cu naturalesa y comparti bo experiencia cu otro nan pa yuda conscientisa publico. Un y tur por encurasha participacion activo den e esfuersonan di conservacion. Actividadnan ta inclui por ehempel: sesionnan di plantamento di mata, un charla educativo na scol, actividad di 'beach clean-up', presentacion tocante e biodiversidad local of exposicionnan di potretnan di naturalesa. Nos ta invita tur ciudadano di Aruba pa uni cu nos den celebra e rikesa di nos biodiversidad y pa renoba nos compromiso pa un futuro sostenibel. Hunto, nos por sigura cu Aruba ta keda un ehempel di bida den harmonia cu naturalesa sosteniendo desaroyo sostenibel.

Paga bo cuenta online ta facil

Sea
Abonnement
of Aviso

Pago online,
facil y lihe

S.O.
Di Pueblo

Pa hasi pago online pone number y adres na
cuenta di banco RBC Sunmax Printing
account # 7700000100152447



INTERNATIONAL DAY
FOR BIODIVERSITY 2025
Harmony with nature and sustainable development

HALTING AND REVERSING BIODIVERSITY LOSS IS KEY TO ACHIEVING THE SDGS



UN
environment
programme



Convention on
Biological Diversity

Minister di Salud Publico impresiona cu trabao di FAVI



Den cuadro di su compromiso continuo pa fortalece e sector di cuido y salud den nos comunidad, Minister di Salud Publico drs. Mervin Wyatt-Ras a realiza un bishita di trabao na Fundacion Arubano pa esnan Visualmente Incapacita (FAVI), un institucion cu ta dedica na defende e dignidad y autonomia di hendenan cu ta ciego of tin un limitacion visual. Durante e bishita diamars

ultimo, directora di FAVI, sra. Cetty Baarh, a duna e mandatario un presentacion detaya riba e trabao diario y e impacto social cu FAVI tin riba e bida di mas cu 450 cliente, incluyendo algun cu ta haya sosten continuo desde 1974. Na 1974, FAVI a nace como "Stichting Blindenzorg Aruba" y na 1975 a adopta e nomber actual pa conecta mas miho cu e comunidad, y ta sirbi

como un pilar esencial pa e comunidad di hendenan visualmente incapacita. E meta di FAVI ta: mehora e independencia personal, promove inclusion social, y aumenta conscientisacion den sociedad Arubano riba e tema di incapacidad visual. Actualmente FAVI ta conta cu dos maestra cu ta ofrece enseñansa ambulante adapta na hobennan cu incapacidad visual, hunto cu un ekipo

di ondersteuners y dos trahado social cu ta brinda sosten na cas. Tur esaki apesar di e recurso limita, pero cu dedicacion di e personal. E bishita ta subraya e vision di e Ministerio pa traha den colaboracion cu organisacionnan no gubernamental, pa

garantisa cu ningun ciudadano ta keda atras, sin importa su condicion fisico.

PUEBLO A HAÑA SU PEN BEK
Pa kualquier informacion
solodipueblo@gmail.com
of
585-9500

SABIDURIA DEN NOS ALEGRIA

Skirbi pa Ruthy'Lady Ruth' Vrieswijk-Bergen



E bunita luna di Mei ta casi yega su final,, e luna den cual a duna tur Mama extra atencion, e luna di Ricibimento. E luna super special pa Lady Ruth, en particular dia 19 di Mei di anja 1978 ora ela bira Mama pa di prome biaha di su prome yui homber Regnier y despues wordo bendiciona cu un di dos yui homber Jean. Nos bendicion di mas grandi , cu nos bunita y dushi Mama Mercedes cu ta wordo yama Mayo ta meymey di nos ainda, aunke cu un crenchi alzheimer, pero cu luz den su bunita curason pa nos tur ketobay . E tema di Mama y of actividadnan

pa cu Dia di Mama ta cosnan bunita, pasobra hopi ta hanya y of usa e bunita oportunidad aki riba e Diadomingo Dia di Mama pa brasa y bisa Mama, Mamie,Mamai of Machi cuanto bo ta stim'e, aprecie y respete durante henter anja, pero riba e Dia di Mama hopi mas ! Y aunke pa varios e ta un Dia comercial. Lady Ruth mes a reserva pa un dushi Brunch na Que Pasa y a invita su casa bay cun'e. Tawata un bunita mainta/merdia. Lamentablemente Lady Ruth no por a bay celebra cu e bunita grupo di oracion di Modanza di Vidente Valerie nan dushi celebracion cu

dushi musica y canto di e gran artista cantante El Duque Victor Samuel cu compania vocal tambe di su bunita pareha Vivian Lampe, yui muhe di Juan Chabaya 'Padu' Lampe, kende ademas di ta toca piano bunita, sa canta bunita tambe. Pero nos a ricibi e informacion cu e anochi tawata sublime y cu despues di a gradici e Mamanan saliente, cu tawata 2 mama anja pasa, a yama bon bini na e mama nobo pa 2025 den persona di sra. Violeta Orman, otro shon di hende cu amor pa su famia y pa su grupo di rumannan den Christo di e grupo di oracion di Modanza. Bunita tawata cu Vidente Valerie a uni cu Victor y Vivian y den trio a canta masha bunita mes. Un bunita anochi bau strea, cu atencion y amor pa nos mamanan cu por a disfruta tambe di algo dushi di come y bebe, ademas di a ricibi e serenata musical cu canto di Victor y Vivian. Vidente Valerie ta mama di 3 yui muhe y awor tin un nieta y un nieto, regalonan precioso di Tata Dios pa nan famia. Vidente su bunita mama, mama Hortencia ta bendiciona cu su bunita famia, su yuinan y nietonan y su dos bisanieto. E grupo di oracion di Modanza ta existi hopi anja caba, antes conosi como e grupo di Koyari,pero awor bek na cas Modanza 11 A ,hopi activo y yen di bunita inspiracion.

Cosnan por a cambia un crenchi desde e tempo ey, pero e curasonnan a keda fiel cu amor pa nan Creador. Fielnan di e grupo a keda para firme den nan bunita fe y ketobay ta mira y experiencia bunita frutonan. Danki Vidente, pa ketobay ta sigui den su



caminda di yuda prohimo ruman cu un of otro oracion ora mester y of un bishita durante e caminda di peregrino y asisti na Misanan. Ki bunita pa wak nos chikitinnan tuma nan prome santa communion durante nan Ricibimento y di edad hoben caba hanya e amor, luz, guia di Papa Dios y Jesus e pilar di mas fuerte den nan bida pa yuda nan crese espiritualmente , sinia y madura na edad mas haltu, pasobra bida ta sigui tin su ups and downsnan y lesnan pa nos tur sinia di nan den nos bida fisico, mental, emocional y spiritual. Danki pa lesa nos relato cu atencion, danki pa e bon comentarionan ricibi regularmente di nos fiel lectornan. Pasa un dushi dia yen di sabiduria den nos alegria ! Un 'bearhug'

grandi pa tur y cu bo sigui pasa e brasa grandi aki pa otronan rond di bo cu mas tin mester di nan. Corda shonnon, un palabra positivo, un palabra di carinjo, un bon comportacion y un bon actitud den nos bon hempel ta hiba nos mas leu riba nos viaje riba e mundo aki, na unda nos tur ta como pasahero biahando dia pa dia, cu nos rutina diario pero tambe cu cosnan nobo cu ta sinja nos pa ta humilde y gradicido semper !

Clasificados

SOLODIPUEBLO@GMAIL.COM
CEL. 585 9500

CLASSIFIEDS

SOLO De Pueblo



Copa Noord 2025 organisa pa Royal Power Tat Fat y Heineken:

Dos Invicto Calabas Blue Jays vs Royal Power Tat Fat ta topa otro diadomingo awor




Copa Noord 2025 dedica na Johannes “Poy” Flanegin, Alvaro Barrios, Nel Frank y Francis Arcaya patronisa pa HEINEKEN ta continua weekend aki na veld di Kudawecha. Dasabra cuminsando pa 5pm di atardi lo bay tin 3 wega amistoso. Pa 9 pm Happy Brothers lo topa















Kudawecha Redskins den un tremendo tanganaso. Unwega cu Bonoporperde. Diadomingo un tabla lo bula: Diadomingo 25 di mei lo bay tin 4 wega valido pa Copa Noord 2025. Akinan tur 8 ekipo lo mira accion. Cuminsando pa 11 am Bad Boys For Life lo topa

e Benjaminann di Copa Noord “Stingers”. Un wega hopi importante cu por define cual di dos ekipo lo pasa pa e siguiente buelta. Ta premira un wega fuerte como cu e ta uno determinante. Di dos wega 1245pm Kudawecha Redskins lo enfrenta Super Plus. Super Plus mester di un victoria pa por continua y ta bin todo por todo y ta premira cu esaki ta bira un wega interesante. Calabas Blue Jays vs Royal Power dos invicto lo sacudi Kudawecha Pa 230pm un tabla lo bula riba veld di Kudawecha ora dos ekipo invicto den Copa Noord 2025 ta enfrenta otro. Calabas Blue Jays campeon di Copa Noord 2019 lo topa Royal Power Tat Fat campeon di Copa Noord 2018 y aki un invicto lo cay. Ta un ganador por tin y e ganador muy probablemente lo clasifica number uno den su respectivo pool. Ultimo wega riba schedule 415pm doñonan di tereno Kudawecha Indians lo topa Salbabo. Kudawecha Indians mester di un victoria pa habri e porta pa nan por clasifica mientras Salbabo cu un victoria ta seya su ficha pa e siguiente buelta. Pues esaki tambe ta un wega hopi interesante. Diasabra y diadomingo awor veld di Kudawecha lo ta na candela. Pa sera e weekend cu e broche di oro Diadomingo di 6-10 pm Jerrino Bas cu Delicious “DLS” cu nan banda completo lo tey pa pone ambiente. Copa Noord 2025 yena cu accion den





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - May 23, 2025

 <p>Sorteo # 4629 6618 6607 5960 X2 <p>Sorteo # 4629 3995 X3 <p>Sorteo # 2685 4026 <p>Sorteo # 4629 8494 Geminis <p>Sorteo # 1503 515 FP</p></p></p></p></p>	 <table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td colspan="2">Proximo Jackpot</td></tr><tr><td>0 x Match 4+</td><td colspan="2">525.000,-</td></tr><tr><td>0 x Match 4</td><td colspan="2"></td></tr><tr><td>0 x Afl. 12,00</td><td colspan="2"></td></tr></table>	Sorteo #	Joker	Letter	0 x Jackpot	Proximo Jackpot		0 x Match 4+	525.000,-		0 x Match 4			0 x Afl. 12,00			 <table><tr><th>Sorteo #</th><th>Proximo Jackpot</th></tr><tr><td>0 x Jackpot</td><td rowspan="4">52.000,-</td></tr><tr><td>0 x Match 4</td></tr><tr><td>0 x Afl. 8,00</td></tr><tr><td></td></tr></table>	Sorteo #	Proximo Jackpot	0 x Jackpot	52.000,-	0 x Match 4	0 x Afl. 8,00		 <table><tr><th>Sorteo #</th><th>Mega Ball</th><th>Proximo Jackpot</th></tr><tr><td>0 x Jackpot</td><td rowspan="5">340.000,-</td></tr><tr><td>0 x match 4</td></tr><tr><td>0 x Afl. 500,00</td></tr><tr><td>0 x Afl. 50,00</td></tr><tr><td>0 x Afl. 15,00</td></tr></table>	Sorteo #	Mega Ball	Proximo Jackpot	0 x Jackpot	340.000,-	0 x match 4	0 x Afl. 500,00	0 x Afl. 50,00	0 x Afl. 15,00	 <p>Afl. 460.000,-</p>	 <table><tr><th>Sorteo #</th></tr><tr><td></td></tr><tr><td></td></tr><tr><td></td></tr></table>	Sorteo #				
Sorteo #	Joker	Letter																																							
0 x Jackpot	Proximo Jackpot																																								
0 x Match 4+	525.000,-																																								
0 x Match 4																																									
0 x Afl. 12,00																																									
Sorteo #	Proximo Jackpot																																								
0 x Jackpot	52.000,-																																								
0 x Match 4																																									
0 x Afl. 8,00																																									
Sorteo #	Mega Ball	Proximo Jackpot																																							
0 x Jackpot	340.000,-																																								
0 x match 4																																									
0 x Afl. 500,00																																									
0 x Afl. 50,00																																									
0 x Afl. 15,00																																									
Sorteo #																																									

Homber herida na

cabes haya den

Klipstraat

SUDOKU

Klipstraat - Diahuebs pasa di 7'or di anochi polis a bay den Klipstraat net na skina di Zara. Eynan lo tawata tin un persona ariba suela y herida na cabes.

Parse cu e lo a wordo maltrata cu parti di un bicicleta, y lo a ricibi golpi fuerte na cabes.

Parse cu lo ta trata di problema entre of cu adictonan cu ta rondona den Playa.

Kiko ta e problema no ta conoci exactamente.



Polisnan a tuma datos di locual a scucha y haya.

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

CASO TULIPAN

Ministerio Publico a exige awe den e caso penal ‘Tulipan’ un castigo incondicional di prison di 2 aña contra e sospechoso G.F.B., ex-ministerio plenipotenciario di Arubahuis na Hulanda.

B. ta wordo acusa di a comete malversacion di fondonan publico y abuso di su funcion durante e periodo di 2017-2022 na Arubahuis.

Adicionalmente, Ministerio Publico a presenta un demanda di decomiso (ontnemingsvordering) contra B. pa un suma di casi Afl. 200.000.

Contra co-sospechoso G.Y.L., ex-director interino di Arubahuis, Ministerio Publico a exige un castigo di prison di 12 luna di cual 6 luna ta condicional cu un tempo di prueba di 3 aña.

L. tambe ta wordo acusa di a participa den malversacion di fondonan publico y abuso di su funcion durante e mes periodo cu B.

E tabata responsabel pa finanzas di Arubahuis, pero a keda sin interveni, apesar cu e tabata wak cu iregularidadnan tabata tuma lugar.

For di e investigacion no a resulta cu L. mes lo a gosa di ventahanan financiero.

Pa e motibo ey, Ministerio Publico no a presenta ningun demanda di decomiso contra dje.

E investigacion ‘Tulipan’, cu a cuminsa na 2023, ta dirigi riba malversacion di fondonan publico di Pais Aruba na Arubahuis, cu a wordo usa pa metanan personal di B. tempo e tabata minister plenipotenciario.

B. lo a usa e fondonan publico aki pa (entre otro) renovacion y ameublamento di un cas di huur na Hulanda, pa pagonan di recibonan di Setar, pa servicionan di Setar na adres di tata di B. y pa cantidad di comemento na restaurantnan na Hulanda y Aruba.

Ministerio Publico ta considera e actonan di e sospechosonan B. y L. hopi grave. Ora un minister abusa di placa di belasting di Pais Aruba pa enrikece su mes y un director keda keto, e cultura di impunidad ta crece y e confiansa di ciudadanonan den gobierno ta bin abao.

Huez lo dicta sentencia riba 13 di juni venidero, incluyendo e ontnemingsvordering contra e ex-minister.

Delegacion Hubileo Aruba 2025 hunto cu Stichting Angels & Stars tin un actividad pa recauda, fondo p'e hobennan cu ta bay representa Aruba na Hubileo 2025. Ta trata di un rifa caminda bo por gana pasashi y ful e pakete pa biaha cu e delegacion pa atende e Hubileo Hubenil na Roma, di 16 di juli -7 di augustus y asina bo ta contribui na yuda e hobennan di Aruba cu nan Peregrinacion di Speransa! Ta 14 hoben yen di entusiasmo a inscribi y

ta trahando duro pa bay Italia. Nos hobennan ta bay scol, no ta traha y mester di ayudo pa realisa nan soño. Ta p'esey Delegacion ta pidi pueblo di Aruba, pa ban yuda nos hubentud pa yega Roma, pa por asisti na e Hubileo Hubenil 2025. Esaki ta algo grandi p'e hoben. P'esey diasabra 24 di mei binidero, e hobennan lo ta dilanti di Club San Martin na Sta. Cruz cu nan ticketnan. Prijs pa ticket ta Afl.25 y Orario ta: 3.00-6.00 pm. Danki!

Minister Geoffrey Wever na DCALFA: Roadmap di DCALFA pa fortifica e sector primario pa e 6 islanan di Caribe Hulandes a keda aproba



E conferencia anual di Dutch Caribbean Agriculture, Livestock, and Fisheries Alliance (DCALFA) ta un encuentro clave pa futuro sostenibel di agricultura, pesca y cria di bestia den Caribe Hulandes. Desde cu a firma e prome Memorandum of Understanding (MoU) na juni 2023 entre Aruba y su islanan ruman, a compromete pa stimula produccion local, mehora seguridad di cuminda y reduci dependencia di importacion.

Basa riba e MoU e seis (6) islanan di Caribe Hulandes a traha un roadmap pa sigui traha hunto riba seguridad di cuminda, fortificacion di e sector primario di tur isla, y e cooperacion strategico entre e islanan. Na final di e conferencia Minister Geoffrey Wever y Diputado Anjelica Cicilia di Infraestructura di Boneiro a formaliza e roadmap cu DCALFA a prepara y asina a

siguracueplataformataconta cu e apoyo gubernamental y por continua cu e trabounan strategico.

“DCALFA ta un conferencia crucial pa nos islanan ruman sigui eleva cada un nos produccion local, y identifica oportunidad pa colaboracion,” Minister Wever a bisa. “E tipo di cooperacion regional aki ta exactamente e tipo di accion structural cu Aruba mester pa sigui avansa den un manera sostenibel.”

Minister Wever ta gradici e team organisador cu e biaha aki a keda den man di Boneiro pa un otro conferencia exitoso. Tambe Minister Wever ta gradici e ekipo di DLVV di Aruba, bou guia di Sra. Nathalie Maduro, pa nan input y pa representa Aruba dignamente. Un danki grandi tambe ta bai pa Boneiro y especialmente na Diputado Cicilia pa e hospitalidad cu Boneiro a ofrece.

DELEGACION HUBILEO ARUBA CU “GO TO ROME RAFFLE SALE” DIASABRA 24 DI MEI

Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.